



1704  
1404

Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Economy**

Broj: 07-06-05-3736-4/19  
Sarajevo, 12.06.2019. godine

## **SKUPŠTINA KANTONA SARAJEVO** **Predsjedavajući Skupštine Kantona Sarajevo**

### **Predmet: Odgovor na zastupničko pitanje zastupnika Zvonka Marića**

Zastupnik Zvonko Marić na osmoj radnoj sjednici Skupštine Kantona Sarajevo, održanoj dana 14.05.2019. godine, u okviru tačke dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo postavio je **zastupničko pitanje** kako slijedi:

**"Molim Ministarstvo privrede KS, Upravu za šumarstvo da mi dostave informaciju o poduzetim aktivnostima u 2019. godini na sprečavanju bespravne sječe šuma na području Kantona Sarajevo, kao i o planiranim aktivnostima u preostalom dijelu godine."**

#### **Odgovor:**

U skladu sa svojim nadležnostima proisteklim iz Zakona o šumama Kantona Sarajevo ("Službene novine Kantona Sarajevo" broj: 05/13) Uprava za šumarstvo vrši i poslove neposredne zaštite državnih šuma i šumskih zemljišta (čuvanje šuma) putem čuvarske službe.

Bespravne sječe u privatnim i državnim šumama predstavljaju jedan od najvećih problema pri provođenju mjera čuvanja i zaštite šumskih resursa. Obzirom na visok stepen otvorenosti šuma putnim komunikacijama iste su ugrožene i od intenzivnih pokušaja bespravnog prisvajanja posječene drvne mase.

U periodu 01.01.2019 – 31.05.2019. godine Uprava za šumarstvo je nadležnim sudovima protiv počinitelaca bespravnih aktivnosti u šumarstvu podnijela ukupno 143 prijave od toga 4 krivične i 139 prekršajnih prijava za bespravnu sječu i bespravni promet za 815,99 m<sup>3</sup> drvne mase krupnog drveta. Za bespravne radnje u državnim šumama ponesene su 3 krivične prijave za 21,62 m<sup>3</sup> drvne mase krupnog drveta i 86 prekršajnih prijava za 132,70 m<sup>3</sup> drvne mase krupnog drveta. Za bespravne radnje u privatnim šumama podnesena je 1 krivična prijava za 87,30 m<sup>3</sup> drvne mase krupnog drveta te 53 prijave za 574,37 m<sup>3</sup> drvne mase krupnog drveta. U državnim šumama 3 krivične prijave za 21,62 m<sup>3</sup> bespravno posječene drvne mase krupnog drveta se odnose na izvršenu bespravnu sječu na licu mjesta, a 45 prekršajnih prijava za 73,20 m<sup>3</sup> bespravno posječene drvne mase krupnog drveta se odnosi na izvršenu bespravnu sječu na licu mjesta te 41 prekršajna prijava za 59,50 m<sup>3</sup> drvne mase krupnog drveta se odnosi na bespravni promet drvne mase. U privatnim šumama 1 krivična prijava za 87,30 m<sup>3</sup> bespravno posječene drvne mase krupnog drveta se odnosi na izvršenu bespravnu sječu na licu mjesta dok se 45 prekršajnih prijava za 560,37 m<sup>3</sup> bespravno posječene drvne mase krupnog drveta odnosi na izvršenu bespravnu sječu na licu mjesta, a 8 prekršajnih prijava za 14,00 m<sup>3</sup> drvne mase krupnog drveta se odnosi na bespravni promet drvne mase.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



U navedenom periodu Uprava za šumarstvo je podnijela 3 zahtjeva za pokretanje disciplinskog postupka protiv 3 čuvara šuma zbog neblagovremenog evidentiranja bespravnih sječa i podnošenja prijava za protupravne radnje.

Tokom aktivnosti borbe protiv bespravnih radnji uposlenici Uprave za šumarstvo samostalno i u sardnji sa pripadnicima MUP-a izvršili su oduzimanje 197,29 m<sup>3</sup> drvene mase krupnog drveta. Drvena masa je predata K.J.P."Sarajevo šume"d.o.o. Sarajevo do okončanja sudskog procesa.

Poseban problem u čuvanju šuma predstavlja što lica koja obavljaju bespravne radnje (sječa i transport šumskih drvnih sortimenta) rade u timovima koristeći vozila koja posjeduju pogon na svim osovina kao i mobilne telefone u cilju obavještavanja o kretanju čuvara šuma i stručnih uposlenika Uprave za šumarstvo. Na taj način prekršioc i koordiniraju aktivnosti na bespravnim radnjama koje uobičajeno obavljaju u jutarnjim, kasnim poslijepodnevnm ili noćnim satima, kako u radnim danima, tako u dane vikenda ili praznika. Prilikom poduzimanja radnji na sprečavanju šumskih krađa i hvatanja počinitelaca na licu mjesta, da bi i sami bili efikasni, uposlenici Uprave za šumarstvo su također prisiljeni raditi u bilo koje doba dana i noći, pod bilo kojim vremenskim uslovima, nastojeći da prevaziđu sve otežavajuće okolnosti.

Svakodnevno prilikom obavljanja svojih poslova i zadataka čuvari šuma izloženi su verbalnim prijetnjama, fizičkim nasrtajima i napadima od strane počinitelaca bespravnih aktivnosti.

Kako je Uprava za šumarstvo dosljedno provodila Zakon o šumama Kantona Sarajevo isto je proizvelo nezadovoljstvo kod počinioca protupravnih radnji. Napadi se ogledaju podmetanjima bespravnih sječa, vrijeđanjima, fizičkim napadima, otuđenju, uništenju i oštećenju imovine koja pripada Ministarstvu privrede-Upravi za šumarstvo i uposlenicima, a sve sa ciljem da spriječe uposlenike Uprave za šumarstvo u obavljanju radnih dužnosti vezanih za zaštitu državnih šuma.

Da bi olakšali lokalnim policijskim stanicama i skrenuli pažnju na pomoć koja nam je neophodna od nadležnih institucija u smislu zaštite bezbjednosti naših uposlenika i efikasnije zaštite šuma od šumokradica, Uprava za šumarstvo putem redovnih dopisa obavještavala je nadležne institucije o aktuelnoj problematici.

Kada je u pitanju bezbjednost uposlenika Uprave za šumarstvo, smatramo da lokalne policijske uprave trebaju biti podstaknute na veoma blisku saradnju sa uposlenicima Uprave za šumarstvo, a posebno na zajedničke kontrole vozila na javnim i magistralnim putevima, privremeno izuzimanje sredstava čime je počinjen prekršaj ili krivično djelo, odnosno motornih pila i neregistrovanih vozila sa kojima se vrši bespravni transport šumskih drvnih sortimenata.

U upravi za šumarstvo u 2018 godini je značajno smanjen broj uposlenika (5 suspenzija, 1 otkaz, 1 sporazumni prekid radnog odnosa, 1 smrtni slučaj, 2 dugotrajna bolovanja).

U 2019. godini u saradnji sa MUP-a Kantona Sarajevo, Kantonalnom šumarskom inspekcijom i KJP "Sarajevo-šumama" nastojalo se kroz kontrole i dežure u poslijepodnevnm i noćnim satima, te u dane vikenda smanjiti intezitet bespravnih sječa i transport šumskih drvnih sortimenata. Uvažavajući pokrivenost šumama teritorije Kantona Sarajevo te značaj šuma za normalan život čovjeka optimalnom upravljanju i gospodarenju šumskim ekosistemima na području Kantona Sarajevo se mora posvetiti dužna pažnja. Međutim, u posljednje vrijeme zahtjevi društva prema šumi su kompleksni. Oni se stalno povećavaju i ogledaju se povećanim atakom na šumske resurse, povećanim potrebama stanovništva za ogrevnim drvetom, pretvorbom šumskog zemljišta u građevinsko, povećanje broja izletničkih mjesta i generalno povećanim zahtjevima čovjeka prema ovom značajnom resursu. U tom kontekstu pažnja i briga cjelokupnog društva prema šumama kao značajnom prirodnom resursu se mora unapređivati i jačati.

S obzirom na izuzetnu važnost čuvanja šuma, a u prvom redu zbog očuvanja osnovnih funkcija šuma (ekološke, ekonomske i socijalne funkcije), smatramo da Vlada Kantona Sarajevo treba što



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



skorije zauzeti jasno definisan stav u pogledu popunjavanja Uprave za šumarstvo sa optimalnim brojem čuvara šuma, bezbjednosti uposlenika te poboljšanja uslova rada uposlenika Uprave za šumarstvo koji obavljaju radnje na čuvanju šuma kako bi adekvatno mogli obavljati svoj posao.

Uprava za šumarstvo će i u narednom periodu nastaviti aktivnosti na neposrednoj zaštiti šuma Kantona Sarajevo u skladu sa Zakonom o šumama Kantona Sarajevo ("Službene novine Kantona Sarajevo" broj: 05/13) i u saradnji sa MUP KS, Šumarskom inspekcijom, Tužilaštvom, Sudovima, K.J.P. "Sarajevo šume" d.o.o. Sarajevo i sa Kantonalnom javnom ustanovom za zaštićena prirodna područja. U cilju optimalnog popunjavanja čuvarske službe, a zbog suspenzija namještenika u prethodnom periodu okončan je postupak internog oglašavanja za popunu radnih mjesta. Trenutno je objavljen javni konkurs za prijem čuvara šuma i nadamo se da će biti uspješno okončan.

Pored navedenog Uprava za šumarstvo je aktivno uključena u regionalni projekat pod nazivom "Akcioni plan za sprječavanje kriminala i korupcije u šumarstvu".

S poštovanjem,

Dostavljeno:

1. Naslovu,
2. Vladi Kantona Sarajevo-na znanje,
3. Evidenciji,
4. Arhivi.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

